

Hoochchinesisk

► Dissen Artikkel stoant in dät Wikipedia-Review.

Hoochchinesisk (uk **Mandarin** naamd) is een Sproake, ju fon moor as 845 Millionen Moanskene as Määmesproake boald wäd. Dät Hoochchinesiske is ju offizielle Sproake in ju Foulksrepublik China, ju Republik China un in Singapur. In Indonesien un Malaysia woonje grattere chinesiske Minnerhäide do Hoochchineesk baale. Dät rakt neen Flektione in dät Chinesiske, man fjauer Toone. In dät Chinesiske kon me fuul luudmoaleriske Woude fiende, t.B. **gǒu** (dät hat *Huund*) un **māo** (dät hat *Kat*). Doo chinesiske Woude fon dissin Artikkel sunt in juu Pinyin-Uumskrift skrieuwen, man dät rakt ook ne oaine chinesiske Skrift mäd ne traditionelle un ne eenfache Version.



Chinesisk Ferkiersskild

Inhooldsferteeknis

Määrkmoale

Toone

Gruundelääsende Grammatik

Eenfache Satse

Fräigesatse

Ferbiendengen ätter buuten

Määrkmoale

Toone

Die eerste Toon is hooch, die twäide is anstiegend, die trääde is djoop (tueerst oufaalend, dan wier anstiegend) un die fjoodde Toon is gjucht kuut un oufaalend. Wan me n Woud mäd n uur Toon kwäd, betjut dät fielicht wät uurs. Hier is as Biespiel, dät Woud "ma":

- Toon:**mā** af māma hat **Määme**
- Toon:**má** hat **Hoamp**
- Toon:**mǎ** hat **Hoangst**
- Toon: **mà** hat **skeelde**



Do fjauer Toone

Buute Toon: **ma** kwäd me an dän Eend fon ne Froage, ju uurs neen Fräigewoud häd (Wan du n Biespiel säikst, kiek in dän grammatiske Deel unner "Fräigesatse"!)

Gruundelääsende Grammatik

Eenfache Satse

Dät rakt neen Flektione in dät Chinesiske, dan n eenfachen chinesischen Sats is so apbaud: Subjekt + Prädikat + Objekt.

Toun Biespiel: **Gǒu shòuliè miányáng.** hat **Die/N Huund joaget dät/n Skäip.**, man dät hat fon Woud tou Woud **Huund joagje Skäip.**

Fräigesatse

Hier sunt eenige Biespiele foar chinesiske Fräigesatse:

- **Zhè shì shénme?** (fon Woud tou Woud **Dät weese wät?**) hat **Wät is dät?**
- **Zhè shì shénme dòngwù?** (fon Woud tou Woud **Dät weese wät Diert**) hat **Wät foar n Diert is dät?**
- **Shénme síhòu?** (fon Woud tou Woud **Wät Tied?**) hat **Wanner?**

Wan t uurs neen Fräigewoud in ne Fräige rakt, kwäd me **ma** bääte dän Fräigesats, uum tou wiesen, dät düssen Sats n Fräigesats is:

- **Nǐ gàosù.** (fon Woud tou Woud **Du kweede**) hat **Du kwäst.**
- **Nǐ gàosù ma?** hat **Kwäst du?**

Ferbiendengen ätter buuten

- Kostenlose online heer-Mandarin-Methode (<http://www.chinesisch-lernen.org/methode/mandarin>)
 - Internet-Woudebouk *Düütsk-Chinesisk; Chinesisk-Düütsk* (<http://dict.leo.org/chde?lp=chde&lang=de&searchLoc=0&cmpType=relaxed§Hdr=on&spellToler=on&chinese=&pinyin=&search=+&relink=on>)
-

Fon "<https://stq.wikipedia.org/w/index.php?title=Hoochchinesisk&oldid=114044>"

Disse Siede wuude toulääst annerd uum 14:17, 28. Februoar 2017.

Die Text is unner ju Lizenz „Creative Commons Attribution/Share-Alike“ ferföigboar; Bedingengen uurhoop können anweendboar weese. Eenpeldhaide sunt in do Nutsengsbedingengen beschrieuwen.

Ouroupstatistik